



UNIVERSITÄTS-
BIBLIOTHEK
PADERBORN

Universitätsbibliothek Paderborn

Viridarivm Sanctorvm

Ex Menæis Græcorum lectum, translatu[m] et Annotationib. similibusq[ue]
passim, historijs Latinis, Græcis; editis, ineditis illustratum

Rader, Matthäus

Avgvstae Vindelicoꝝ, 1607

De Zona Sanctissimæ Dei Matris.

urn:nbn:de:hbz:466:1-43013

38. meminit, quem Saracenorum ait factum Episcopum, qui multos ad Christum à Saracenis traduxit. Sed hic non ad hunc locum. Alter ille prior Aethiops hic laudatur, quem Nicephorus lib. II. c. 36. & auctor in Vitis Patrum celebrant. Menologium eodem die cum Fastis Romanis hunc coli in Christiano orbe docet. Palladius geminos quoque prædicat Moyses, Libycum alterum, c. 88. & hunc olim latrocinia exercentem c. 22. qui & Abbas & presbyter fuit. Latrones porro præter illum qui Christo ad dextram pependit non paucos venisse ad summam vitæ sanctimoniam acta patrum in Mutio & Pasnucio, Dauide latronum principe & Cyriaco ostendunt. In Actis S. Ioannis Euangelistæ leges iuuenem Episcopo commissum in latronem euasisse, & à S. Ioanne reuocatum: Apud Clymacum gradu 4. pœnitens latro miris modis commendatur. Lege & Io. Moschum c. 143, 165. 166. Menæa celebrant septem latrones Martyres 29. Aprilis: Et Cæsarius lib. 7. c. 59. alium S. Franciscus tres ad pœnitentiam adduxit. Mitto qui in speculo exempl. dist. 7. c. 23. narrantur.

DE ZONA SANCTISSIMÆ DEI MATRIS.

ARcadius Theodosij Magni filius venerandam sanctissimæ Dei matris Zonam Hierosolymis, quæ ad eum vsque diem ibi cum preciosa veste à fœmina quadam virgine seruata erat, Constantinopolim delatam in splendido scrinio, quod sanctam appellat.

pellauit arculam reposuit. Annis dein de-
 nis supra quadringentos elapsis, Leo Im-
 perator sanctam hanc hierothecā propter
 coniugem suam Zoen, quæ diuinitus didi-
 cerat futurum, vt si sacra Zona sibi appli-
 caretur, sanitatem recuperaret, ab impuro
 dæmone vehementer agitatum aperuit.
 Repertum ergo sacrum cingulum, perin-
 de ac si modò confectum esset, adeo radia-
 bat, signatum aurea bulla, adiuncto codi-
 cillo, qui singularim annum, indictionem
 & diem exprimebat, quo sanctum hoc cin-
 gulum Constantinopolim esset deportatū,
 manibusque ipsius Imperatoris in Lipsa-
 notheca obsignatum, quod Leo Impera-
 tor exosculatus, per Patriarchæ tum præsi-
 dentis manus super imperatricem exten-
 dit, sanitatemque restituit. Omnes ergo
 Christo salutis auctori gloriam gratulati,
 immaculatæ eius matri debitas gratiarum
 laudes cecinere, Zonamque in eandem, in
 qua prius seruabatur, arculam reposuere.

ANNOTATIONES.

Niephorus lib. 14. c. 23. de hac Zona in hæc
 verba scribit: *Postea Iudaorum Synagoga in
 chalcopratijs seu fabrorum foro, in templi formam re-
 data pulchritudine simul & amplitudine exornata,
 insignem*

insignem Dei genitrici ad eam sacram construxit, & ibi minoribus alijs adiectis edificijs, Venerandam & Sacram Dei matris in ipso sanctioris mensa tumulo Zonam reposuit, & ex eo tempore Dei genitricis ades sacri tumuli nomen est consecuta. Hæc Nicephorus. Ante vero Nicephorum scripsit Euthymius Monachus encomium eiusdem Zonæ Virginis, in quo præter alia hæc tradit. Hodie præponatur, honoretur & adoretur Zona, qua diuina virtute caelos superat, & resplendet plusquam radij solares, maneq; integra & intacta plurimorum annorum curriculum nongentorum inquam & amplius. Et infra: Nam & scriptum inuenimus in admiranda & semper splendente arca, in qua est preciosa hæc Zona recondita, a tempore Arcadij in fide recte sentiens, qui que fuit filius & magni illius & virtutibus illustris Theodosij, hic fuit reposita, tricesimo primo & ultimi huius mensis, saluaq; illæsa, & impolluta, & videtis permansit usque in hodiernum diem, nullo modo fadata, aut offuscata, aut eius colore illo modo mutato: sed resplendens supra niuem, &c. Hodie quoque S. Germani Patriarchæ Const. panegyris de eadem Zona apud Surium 31. Aug. legitur. Et verò S. M. Otho Cardinalis Trukfessius, Pontifex Augustanus, Academiæ Dilinganæ conditor, hierothecam nobilè Græcis literis inscriptam, Roma Augustam detulit, & in æde summa Virginis collocavit, in qua præter aliorum sanctorum pignora, ipse legi de hæc Zona partem custodiri: *ἐκ τῆς ζώνης τῆς θεοτόκου*, sicut & *ἐκ τῶν τριῶν σπαργάνων* ex sacris fascijs Christi. Etenim & Germani & Euthymij encomia fascias & Zonam simul laudant. Præter illam tamen & aliam partem multo maiorem in eod templo sum veneratus.

CHRI.